

**ZAPISNIK SA 02. SJEDNICE UO SAMOSTALNOG SINDIKATA RADNIKA U BHRT-u,
U MANDATU 2019-2023, KOJA JE ODRŽANA U UTORAK 29.05.2019. GODINE**

Prisutni: D. Smital; N.Tadić; E. Čengić; Dž. Kahrica; M. Grbo; M.Herac; D.Miljević; E. Fočo;
M. Baručija; N. Arnautović; M. K. Pašalić; E.Agić; J.Sogović ; R.Kukić; S.Kavatović; S.Gadžo; O. Bukić;
Gosti: G. Brkić; N. Žuga;

Dnevni red:

1. Zapisnik sa 53. sjednice UO SSR u BHRT-u, u mandatu 2015-2019
2. Rad Upravnog odbora
3. Aktuelna situacija u BHRT-u
4. Sindikalni izlet
5. Finansije (D. Karšić)
6. Ugovori
- Adriatic
7. Dodjela pomoći (N. Žuga, G. Brkić, M. Grbo)
8. Razno

AD 1. D.Smital je na osnovu člana 35. Statuta Samostalnog sindikata radnika u BHRT-u, otvorio 02. sjednicu UO SSR u BHRT-u i predložio dnevni red, koji je jednoglasno usvojen kao i zapisnik sa 53. Sjednice UO.

AD 2. D.Smital je pozvao sve članove UO na redovne dolaske na sjednice kao i da nose odgovornost za rad u sindikatu u skladu sa Poslovníkom koji je usvojen. Istakao je da očekuje od svakog člana da aktivno učestvuje u radu UO i sindikata kako bi svi doprinjeli što boljem radu i ostvarivanju ciljeva sindikata. UO je jednoglasno usvojio naknade za rad u sindikatu. sa 16 glasova za i 1 suzdržan. Kontakt osobe za dostavu zahtjeva za finansijsku pomoć su Mustafa Baručija i Rifat Kukić. Kontakt osoba za rad sa Adriatic osiguranjem je M.Herac. Predsjednik sindikata je obavijestio članove UO da je donio Odluku o informisanju.

D.Smital je informisao i predložio UO da se u skladu sa Programom rada sindikata, usvojenom na prošloj Skupštini, za oktobarsku sjednicu UO pripreme sve relevantne informacije i plan za registraciju firme koja bi se bavila uslužnom djelatnošću u RTV Domu. Ovaj prijedlog je jednoglasno usvojen.

AD 3. D.Smital je informisao UO da je rukovodstvo održalo sastanak sa menadžmentom 09.05.2019.godine na kojem je predložen zahtjev UO Sindikata za povećanje toplog obroka. Zahtjev je odbijen zbog nedostatka i umanjenja sredstava (350 hiljada je umanjena taksa za prva tri mjeseca u odnosu na prošlu godinu). Sindikat će ponovno o povećanju toplog obroka razgovarati u septembru obzirom da odluka Vijeća ministara stupa na snagu u julu mjesecu. M.Grbo je istakao da je ovaj zahtjev loš za ljude koji rade na terenu i smatra da bi ti ljudi osjetili umanjenje zbog velikog broja terena u mjesecu. D.Smital je još jednom istakao odgovor advokata koji je sindikat dobio prije upućivanja ovog zahtjeva kao i upita za dnevnicu za koji je još uvijek na snazi odluka o visini dnevnice iz 2016 godine. J.Sogović je predložio da sindikat pokuša naći neki način interno kako bi se povećala dnevnicu za teren, jer kako je istakao radnici na terenu osjete umanjenje toplog obroka za dane provedene na terenu. Nakon kraće rasprave u kojoj su učestvovali M.Herac, D.Miljević, N.Arnautović i J.Sogović, E.Čengić je kao povjerenik Podružnice RTV Produkcije istakao da će Podružnica pripremiti prijedloge i inicijative za slijedeću sjednicu, kao i da se nada da će aktivno učestvovati svi predstavnici RTV Produkcije iz UO Sindikata.

Na sastanku sa menadžmentom, rukovodstvo sindikata je odbilo razmatrati Pravilnik o ocjenjivanju dok sindikat ne dobije i Pravilnik o napredovanju što je bio i zaključak sa prethodne sjednice UO sindikata. Sindikat od sastanka sa menadžmentom nije dobio nikakvu informaciju u vezi tog pitanja, kao ni odgovor u pisanoj formi za topli obrok. Sindikat je uputio pitanje za rad i usluge restorana za vrijeme vikenda i praznika kao i cijene u istom.

Sindikata je dobio odgovor od Ministarstva zdravstva KS u kojem se kaže da će radnici RTV Doma moći obavljati specijalističke preglede u Zavodu za zdravstvenu zaštitu radnika u saobraćaju, a da taj zavod ne može vršiti usluge primarne zdravstvene zaštite, što implicira da bi ambulanta u RTV Domu prestala sa radom. D.Smital je predložio da se ponovno uputi dopis u kojem bi se tražilo rješenje za ambulantu kao i upozorenje za proteste u skladu sa zakonom. E.Čengić je predložio da se u ovaj problem uključi i sindikat RTVFBiH kako bi zajedno djelovali jer je mišljenja da je ovo veliki problem svih radnika Javih servisa. N.Tadić je istakla da će u slučaju promjene ljekara porodične medicine, svaki radnik odsustvovati s posla nekoliko sati i da će doći do velikog problema u radu, što bi nanijelo štetu i BHRT-u, te da bi iz tog razloga trebalo tražiti i reakciju menadžmenta BHRT-a po ovom pitanju. Nakon kraće rasprave u kojoj su učestvovali J.Sogović, N.Tadić, M.Herac, R.Kukić i D.Miljević, usvojen je prijedlog da se organizuje sastanak rukovodstva sindikata sa predstavnicima sindikata RTVFBiH, pripremi dopis za Vladu KS i Ministarstvo zdravstva KS, te na slijedećem sastanku sa menadžmentom traži i njihova reakcija po ovom pitanju.

AD 4. E.Čengić je informisao UO sindikata da su obavljani razgovori u vezi organizacije sindikalnog izleta i zbog obima posla na terenima i u RTV Domu predložen je termin 23.06.2019.godine u Dejčićima. Ovaj prijedlog je jednoglasno usvojen. Izvještaj UO će podnijeti E.Čengić i Dž.Kahrica.

AD 5. Blagajnički izvještaj za april 2019. godine je primljen k znanju.

AD 6. Adriatic izvještaj za april 2019 je primljen k znanju. N.Žuga je istakao da je imao problem sa realizacijom ugovora u Banjaluci odnosno predračunom koji nije uopšte dostavljen sindikatu na osnovu kojeg se pravi ugovor za registraciju vozila. E.Čengić je izvjestio da je potpisan ugovor sa Adriatic osiguranjem kojim se omogućuje registracija vozila do 12 rata. D.Miljević je informisao UO da je u Banjaluci dozvoljena registracija vozila do 6 rata i to na intervenciju Dž.Kahrice, jer je u prvobitnom slučaju dozvoljeno 4 rate.

AD 7. Komisija za dodjelu finansijske pomoći (G.Brkić, M.Grbo, N. Žuga) predložila je da novčanu pomoć za mjesec maj dobiju slijedeći članovi: Kadira Solak 200 KM, Boris Pavlović 500 KM (II dio), Edin Huremović 300 KM (II dio), Ismet Pavlović 200 KM (I dio), Mirsad Čerkez 300 KM (I dio), Razija Suljović 200 KM. Ukupno 1700 KM. Prijedlog komisije je jednoglasno usvojen.

AD 8. D.Smital je neposredno prije sjednice dobio pismo od grupe uposlenika tehnike radija, od kojih su dvoje članovi sindikata, a vezano je za rad rukovodioca tog odjela. Pismo će prosljediti Podružnici RTV Produkcije u čijem povjereništvu je predstavnik gore navedenog odjela. D.Smital je još jednom pozvao sve članove UO sindikata da aktivno sudjeluju u radu UO i donose inicijative sa prijedlozima rješenjima.

Izvršni sekretar
SAMOSTALNOG SINDIKATA
RADNIKA U BHRT-u
Elvis Čengić

Predsjednik
SAMOSTALNOG SINDIKATA
RADNIKA U BHRT-u
Damir Smital